

警察總廳

薛大總憲

特飭傳送

虔心持誦

功德無量

般若波羅蜜多心經全卷

增保生  
仙方

叙

三教經典。皆傳道書也。儒言誠。道言靜。佛言空。誠者。治世之具也。靜者。亂世之藥也。空者。出世之法也。要之入世方能出世。斷無不入而能出者。我

南海觀音菩薩。悲憫人世。昏昏了無出期。皆由於眼耳鼻舌身。意之六根。結爲色聲香味觸法之六塵。隨六塵之業緣。轉入六道之輪迴。流浪生死。無有其極。爰示人以頓超彼岸。解脫之法。曰。色即是空。空即是色。聲香味觸法。亦復如是。夔夔乎高矣。妙矣。乃謗佛者。以儒言實。佛談空闊爲異端。固無足論。而奉佛者。又謂萬事皆空。了世者不可以假爲真。嗚呼。是以

信佛心而出謗佛口者也。不知佛家空字。原離不開假字。更離不得眞字。何哉。夫人之色聲香味觸法。假也。孝友睦婣任恤眞也。人必於孝友睦婣任恤。身上作得眞色聲香味觸法。目中方看得假。如目中看得假。心上方能打得空。惟心上打得空。目中看得假。身上自能作得眞。作得眞者。以身了了之也。力不足者。以心了了之。心了亦身了也。至色聲香味觸法。人所不能了者。以不了了之。不了了也。如此方可謂之眞誠。方可謂之眞空。方可謂之入世。方可謂之出世。了世也是誠也。空也。一而二。二而一者也。何可以異端目之。心經共分上中下三卷。上卷流傳已久。誦之者猶獲福無量。解者則頓

超彼岸。况今全經出世。解誦之福德。更何如乎。今將刊印。蒙  
濟佛降壇作跋。命珏叙之。聞命之下。惶悚無地。昔孔聖成春秋。  
游夏不敢贊一辭。珏何人斯。而敢仰叙高妙。辭不獲命。爰即  
夙所知者。摛而叙之。自知上負

佛命。未免罪過罪過。

歲次己未年丙子月古堯都弟子侯珏了然和南



叙

經者。路也。人之所共由也。經者。常也。道之不能易也。矧心經一卷。括乾坤苞符之秘。探人生性命之原。道德玄關。學庸奧旨。罔不同條共貫於其中。俾世人早返迷途。誕登彼岸。無論智愚賢否。果能發阿耨多羅三藐三菩提心。淨六根。空四相。即見如來矣。惜乎下卷。世所鮮見。己未冬。周君慶榜家中。覓得全卷。不但下卷不遺。且有中卷。內附夢回居士誌云。按心經上中下三卷。乃竺溪閱際蓮先生官滇南時。得於王氏旅店燕巢中。額曰。龍樹山珍。其上卷。即唐元奘法師求歸東土者。其中下卷。乃天寶中曇海法師續譯。以授哀牢國王者。震

嘗再三虔誦。覺宏深義蘊。愈闡愈微。以之修己。即暗室明燈。  
以之度人。即迷津寶筏。震霄不敢秘爲獨得。至原卷中載有  
梓潼帝君所傳心經下卷。世已刊行。無須綴入。茲敬照原本膽  
印。惟望仁人君子。信守此經。廣爲傳播。則功德與須彌山同  
大矣。

歲次己未年十一月九江弟子萬震霄敬叙

般若波羅蜜多心經淺說

西蜀淨如居士張炳楨

此心字指人本來至真無妄之心。言諸佛菩薩此心。凡庸婦孺亦此心。平平等無二無別。只因世人逐忘迷真。遺失本性。由此起惑。由此造業。由此受報。世世生生。常在輪轉。茲特點出心字。教人細認本來面目。切不可落在塵勞妄想上。般若。繙智慧二字。波羅蜜。繙到彼岸三字。多字係語尾詞。言人妄心用事。念念生滅。長在生死中流。如船到江心。風浪起伏。最爲危險。一旦妄想脫落。忽見大智慧發生。如人到彼岸。平穩無驚。此時方顯至真心體。原來清淨。經者。徑也。常也。經中詳言心體。而未嘗遺用。示學者當於



一切起心動念時。常常省問。須分順逆二種觀法。若僅順觀此心之變化。則見用不見體。一往不返。必成狂蕩之行。若能逆觀此心之本原。則見用即見體。一息回光。遂契眞常之旨。甚哉。迷悟聖狂。只爭一念。有志學佛者。請即從此下手。決定不錯。所有經中種種名詞。恐初學驟難通曉。今先行提出說明。免致臨文再生繆葛。

(一) 菩薩。求大智慧曰菩薩。廣度有情曰薩。菩薩者。利己利人之稱也。

(二) 五蘊。蘊者。藏也。結也。色蘊。受蘊。想蘊。行蘊。識蘊。五者。達人視如空花。愚夫執爲實有。皆能遮藏性寶。纏結身心。故佛

經又名之爲五陰。

(三) 一切苦厄有三苦、五苦、八苦等名。三苦即苦苦、壞苦、行苦。苦苦者謂苦中之苦。三界已苦。生欲界更苦也。壞苦者謂樂壞時必苦。即樂極生悲時也。行苦者謂中等境界不可往。凡有行動皆涉苦趣也。五苦謂生時苦、老時苦、病時苦、死時苦、苦時更苦也。八苦即上生老病死四苦。加愛別離苦、怨憎會苦、求不得苦。五陰盛苦。合之爲八苦也。通名一切苦厄。

(四) 十二處。即人內所具之眼耳鼻舌身意六根。外所對之色聲香味觸法六塵。經中云六根指淨色根言。不指浮塵根

說。蓋可表示之眼耳鼻舌等六根爲浮塵根。不可表示之眼耳鼻舌等六根爲淨色根。若無淨色根。則浮塵根純屬肉體。毫無作用。色聲香味等義。易解不贅。此十二處皆幻有而非實有。不可妄執。

(五) 十八界即前眼耳鼻舌身意六根。色聲香味觸法六塵。加眼識耳識鼻識舌識身識意識。合爲十八界。字有界限義。有種子義。分析言之。即眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識界等十八。各有界限分立。各有種子滋生也。此十八界亦皆幻有而非實有。不可妄執。

(六)十二因緣(一)無明(即不明言妄明能隱蔽眞明)(二)行。(妄心念念不停。如行路然)(三)識(即總妄識種子)。(四)名色。(名字指人心之始兆言。色字指人身之初狀言。其實名色二字。即身心二字。可分而不可分。所以連說)。(五)六處(即眼耳鼻舌身意六處)(六)觸。(即六根有感觸作用時)(七)受(即受得此身受用此身時)(八)愛(即對身而生貪愛)(九)取(凡於身有關者皆生妄取心)(十)有(由起種種惑。遂造種種業。皆自無而成實有)(十一)生(既造業。必受果。於是流轉胎卵濕化四生之內)(十二)老死(既有生必有老死。一定之果。萬不能

逃。合之爲十二因緣。因對果言。緣有互相緣藉義。言此十二種皆必仗因藉緣而起。故又名十二緣起。且有流轉還滅二義。流轉之義云何。經曰。無明緣行。行緣識。識緣名色。名色緣六處。六處緣觸。觸緣受。受緣愛。愛緣取。取緣有。有緣生。生緣老死。凡此皆由一念無明發動。順出之而入。生死苦海。所以古人呼此爲雜染。十二因緣。還滅之義云何。經曰。無明滅則行滅。行滅則識滅。識滅則名色滅。名色滅則六處滅。六處滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死滅。凡此皆由一念無明消化。反觀之。而得解脫妙境。所以古人呼

此爲清淨十二因緣。緣覺乘（觀十二因緣悟得人空小果。故名緣覺乘。是運載義）修此不受因緣繫縛。然只名化城。不名寶所。心經中所言無無明等義。就真空本體上觀察。原無十二因緣等事。

（七）四諦。諦者。審也。東也。謂審察真理之歸。東處也。一曰苦諦。二曰集諦。此二諦就入世間說。苦諦是果。集諦是因。言人受種種生死苦果。其因皆由起種種惑。造種種業。全是自己招集。所以輪迴不已。三曰滅諦。四曰道諦。此二諦就出世間說。滅諦是果。道諦是因。言人欲滅盡種種苦趣。而得涅槃（涅槃繙清淨本體）妙果。其因必依戒定慧之道。切

實修持。方可希冀。聲聞乘。（謂依佛聲教。僅聞性而未見性者。乘字是運載義。）修此四諦法。僅證人空小果。心經中所言無苦集滅道者。就真空本體上觀察。原無四諦等事。

（八）六度一布施二持戒三忍辱四精進五禪定六般若。（般若即智慧）菩薩修此六度。以般若為歸宿。心經中所言無智亦無得者。就般若一度說。蓋以菩薩證本性真空時。無所謂智。亦無所謂得。尤見空無所空妙旨。

（九）菩提薩埵。係西方梵語。詳舉其義。而為菩提薩埵。略舉其義。則為菩薩。仍如前解。不贅。

(十) 涅槃。解見上。謂生滅心完全斷盡。清淨體完全出現。呼爲究竟涅槃。

(十一) 三世諸佛。謂過去世。現在世。未來世。一切諸佛。

(十二) 阿耨多羅三藐三菩提。佛經凡言阿字。皆作無字。解阿耨多羅。繙無上二字。三藐三繙正等二字。菩提。繙正覺二字。合之爲無上正等正覺。若引申其義。衆生未滅妄心。皆爲邪覺。諸佛已見本心。始可稱爲正覺。衆生所有邪覺。皆違反佛性。不能平等。一致佛與諸佛。皆具正覺。先後古今無異。始可稱爲正等正覺。無上正等正覺云者。就諸佛智果言。非在世間。凡夫外道等妄智。及出世間聲聞緣覺等。



小智所能加而上之也。

### 心經本文

觀自在菩薩。行深般若波羅密多時。照見五蘊皆空。度一切苦厄。

解義

菩薩解見上有已修到之菩薩如觀音大士是有未修到之菩薩如一切衆生是。且利己爲善利人爲薩皆不離一心。是菩薩二字稱之爲人可。稱之爲心亦可。自在二字依人一邊說。當然訓作解脫。若就心一邊說。此心不能測其所始不能推其所終。固無時不在此。心謂之爲內而非內。謂之爲外而非外。又無處不在。楞嚴經所稱常住真心。常

住二字。即可作自在二字之確解。觀者微密觀照之意。不出前所云順觀逆觀二法。凡夫祇解順觀。未解逆觀。故生死輪轉。靡有窮盡。若能於一切動念時。逆觀此心本體。卽爲觀自在菩薩。觀音如此修。一切衆生亦可如此修。本來平等。無有高下也。行者本此逆觀法以爲功行也。經言般若波羅密多。(解見上)而特加深字者。謂彼凡夫之小智慧。外道之邪智慧。及聲聞緣覺之淺智慧。皆未夢見深般若景象。惟以逆觀之法。作功行之準。一念如是觀如是行。卽得一念之深般若。念念如是觀如是行。卽得念念之深般若。推之無時無處。莫非如是觀如是行。卽無時無處。莫

非深般若。一旦觀力圓滿。功行純熟。豁然洞見。本心全體。始是智慧。到彼岸之時。故曰。行深般若波羅密多時。當其智慧未到彼岸之時。此心尙爲凡身所拘。未能脫却色蘊。此心尙爲妄念所縛。未能脫却受蘊。想蘊。行蘊。識蘊。今既到彼岸。全體是真心。全體是智慧。此時反觀自身。身無其身。反觀自心。心無其心。空無一物。有何五蘊可言。五蘊本空。又有何一切苦厄可言。故曰。照見五蘊皆空。度一切苦厄。然推其功行。非念念修觀。曷由致此。故觀心一法。爲諸佛不二之法。從始至終。皆不可須臾離者也。學佛諸君。切須着眼。

心經本文

舍利子。色不異空。空不異色。色即是空。空即是色。受想行識亦復如是。

義解

舍利子。佛之弟子。此人聰慧異常。善達般若妙義。佛故呼其名而告之。謂五蘊皆空之旨。由善修逆觀。照見菩薩妙心中。五蘊本空。非其初實有五蘊。今乃強之使空也。先以色蘊論。我昔曾言。唯色與空。是色邊際。明示色空原無二致。凡夫小乘。每執色自色。空自空。以淆其觀察。豈知色從空現。離空無色。謂色與空異者非也。即可例知空由色顯。離色無空。謂空與色異者亦非也。何以故。色若異空。是色

外別有一空可指。且必離空而顯特立之色。乃見色果異。空空若異色。是空外別有一色可名。且必離色而成絕對之空。乃見空實異色。今均不然。可證色即是空。見色時即是見空時。彼偏執色者誤。空即是色。見空時即是見色時。彼偏執空者愚。蓋曰色曰空。皆由一心隨緣而現此相。本如夢幻泡影。並無實法可言。強以色空作分別觀者。皆由六識妄情計度所致。故學者對於色蘊。當觀其自性本空。推之受蘊。想蘊。行蘊。識蘊之自性本空。均可作如是觀。故曰。受想行識亦復如是。

## 心經本文

舍利子。是諸法空相。不生不滅。不垢不淨。不增不減。

義解

上節專言五蘊皆空之理。此節兼言能度一切苦厄之故。夫一切苦厄。皆起於五蘊不空。五蘊不空。實由於一心妄動。心何以妄動。一念不覺。即失般若。見有諸法現前故也。〔此云諸法即上之五蘊法〕若能於諸法緣起時。逆觀心中自在菩薩虛寂本體。則但見一心。不復見諸法。即使有諸法。亦唯是一心。一心之相空。諸法之相自空。一切苦厄之境。不空而自空。約舉三種空相證之。一永離世間生滅相爲空。若有一分生滅之相未忘。即有一分苦厄之魔來擾。非真空也。今以諸法相空故。生時不見有生滅時不見

有滅。凡世間一切顛倒輪迴以深般若（即智識）照之。皆同幻夢。有何苦厄可言。二永離世間垢淨相爲空。若有一分垢淨之相未除。即有一分苦厄之情相應。非真空也。今以諸法相空故。當在纏縛時。本無所謂垢。及至解脫時。亦無所謂淨。凡世間一切眞妄迷悟。自在菩薩。以深般若照之。皆如泡影。又有何苦厄可言。三永離世間增減相爲空。若有一分增減之相未化。即有一分苦厄之障相侵。非真空也。今以諸法相空故。在凡庸位。雖逢善緣而性不見增。雖染汚俗而性不見減。在聖賢位。雖具出世法而性不稍增。雖涉入世法而性不稍減。凡世間一切計度思量自在。

菩薩以深般若照之皆成戲論。又有何苦厄可言。誠如是  
密密修觀。其見諸法空相時。即是見般若實相時。楞嚴經  
云。狂心頓息。息即菩提。勝淨明心。本周法界。正與此義相  
合。

### 心經本文

是故空中無色。無受想行識。無眼耳鼻舌身意。無色聲香味觸  
法。無眼界。乃至無意識界。無無明。亦無無明盡。乃至無老死。亦  
無老死盡。無苦集滅道。無智亦無得。

解義

此節承上諸法空相更推及一切法俱空也。凡修觀者。若  
就幻有一邊着眼。則此心順出萬象紛呈。動成障礙。若就



無一邊着眼則此心逆轉一念清淨。自契眞常是故眞空之中。不但本無色蘊及受蘊想行識蘊五者卽以十二處法論。凡所具之眼耳鼻舌身意六根。及所對之色聲香味觸法六塵。修自在菩薩觀者。以深般若照之。皆無實處。可指。如是則十二處之法空。以十八界法論。凡眼界色界眼識界乃至意界法界意識界。修自在菩薩觀者。以深般若照之。皆無實界。可陳。如是則十八界之法空。以十二因緣法論。凡由無明緣行乃至生滅老死等。皆係流轉之機。由無明滅則行滅乃至生滅老死滅等。皆係返還之道。修自在菩薩觀者。以深般若照之。一性本自圓成。無流轉可

言亦無返還可證。如是則十二因緣之法空。以四諦法論。凡世間法。則有苦諦爲果。集諦爲因。出世法。則有滅諦爲果。道諦爲因。修自在菩薩觀者。以深般若照之。一心本自周徧。無有世間可入。亦無世間可出。如是則四諦之法空。再進以六度法論。一布施。二持戒。三忍辱。四精進。五禪定。六般若般若者。六度之歸宿處也。假使執般若爲能知。則此智非眞智。假使執般若爲所證。則此得非眞得。修自在菩薩觀者。以深般若照之。一念自泯能所。不見有能知之智。亦不見有所證之得。如是則六度中之般若法亦空。夫般若爲諸法之母。惟其能空般若法。而後能空一切法。亦

惟其能空一切法。而後能無一切法。究之。無一切法者。實由於無一切心。心不見心。乃顯真心。逆觀之道。如是如是。有志學佛者。尙其審諸。

### 心經本文

以無所得故。菩提薩埵。依般若波羅密多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅密多故。得阿耨多羅三藐三菩提。

解義

此節始就因中觀心。本無所得可言。必如此。始不落常見邪蹊。後就果中觀心。實有所得可證。必如此。始不墮斷見外道經旨。如是。非臆說也。何以見因中本無所得。果中實

有所得耶。自來善修觀者。其因地發心。不觀進而觀退。無所得。則此心退之又退矣。不觀益而觀損。無所得。則此心損之又損矣。以此極退極損之心。默契般若。故一切菩提薩埵（即菩薩）惟依般若波羅密多。以密密修觀也。若以此中菩薩作人觀。則菩薩爲能依般若之人。若以此中般若作法觀。則般若爲菩薩所依之法。究之本無所得。不見有能依之人。亦不見有所依之法。不見有所依之法。則法空。法空。則觀境即心。並無心外之境。觀心即境。更無境外之心。心境兩融。故無有罣礙。不見有能依之人。則人空。人空。則反觀自身。身不見身。反觀自心。心不見心。身心兩忘。

故無有恐怖。充法空之極致。一切顛倒之見不生。充人空之極致。一切夢想之緣悉斷。夫至顛倒夢想。二俱遠離。離念境界。即是涅槃境界。其曰究竟者。蓋菩薩入涅槃果時。生死已盡故。雖然。菩薩依此修觀。從因得果。諸佛何獨不然。故云。三世諸佛。依般若波羅密多故。得阿耨多羅三藐三菩提。其曰依者。明因中所行也。其曰得者。明果中所證也。諸佛果中所證之大菩提。與菩薩果中所證之大涅槃。異其名義。不異其實際。均以復還此心本體。無事過爲。軒輊於其間。楞嚴經云。十方如來。同一道故。出離生死。即此旨也。有志修觀者。如能時時反照本體。其結果當與諸佛。

菩薩無異。有爲者亦若是。何弗人人自奮。

### 心經本文

故知般若波羅密多。是大神咒。是大明咒。是無上咒。是無等等咒。能除一切苦。眞實不虛。故說般若波羅密多咒。卽說咒曰。  
謁諦謁諦。波羅揭諦。波羅僧揭諦。菩提薩婆訶。

義解

上文皆係顯說般若。故通名曰經。此處則係密說般若。故特名曰咒。若知密說之意。卽得咒字之解。無事強爲繁釋。蓋以深般若之理。可以密證。不可以顯言。且衆生生死妄心。最難制伏。非教以密法觀心。不能轉生死爲涅槃。是般若波羅密多。可稱爲最大神妙之咒。衆生煩惱大障。最離

麥、揆、牽、親、波、形如棗許、刹竿如針、蓋如麩片、(以上各句、俱從義譯、寶譯原文第如大麥等、揆、牽、親、波、形如棗許、刹竿如針、蓋如麩片、)持佛舍利、如芥子大、或寫法頌、安置其中、(以上四句中、第一第二兩句從寶譯、義譯原文第舍利芥子、第三句從義譯、寶譯法、第四句兩譯均同、)如上珍奇、而爲供養、隨己力能、至誠殷重、如我現身、等無有異、(以上各句、俱從義譯、寶譯原文第所得功德、如我在世、等無差別、)善男子、若有衆生、能作如是、勝供養者、成就十五殊勝功德、而自莊嚴、(以上各句、俱從義譯、寶譯原文第如是之人、得十五種功德、)一者常有慚愧、二者發淨信心、三者其心質直、四者親近善友、五者入無漏慧、六者常見諸佛、七者恒持正法、八者能如說行、九者隨意當生、淨佛國土、十者若生人中、大姓尊貴、人所敬奉、生歡喜心、十一者生在人中、自然念佛、十二者諸魔軍衆、不能損惱、十三者能於末世、護持正法、十四者十方諸佛之所加護、十五者速得成就、五分法身、(以上各句、俱從義譯、寶譯原文第、一者得清淨信心、二者得順法心、三者得慈愍心、四者得思知來、五者發淨信心、六者能持正法、七者如說修行、八者得親近諸佛、九者諸佛國土、隨意受生、十者若生人中、生大莊嚴、其心柔軟、人所敬重、十一者隨生人中、得念佛心、十二者諸魔軍衆、不能損惱、十三者於末世、護持正法、十四者得十方諸佛如來、恒加覆護、十五者速得成就、五分法身、)爾時世尊、即說頌曰、(第二句之即字從義譯、寶譯原文第而字、其他各字句、兩譯均同、)

我般涅槃後、(從義譯、資譯原文爲若以瞻摩心、於如來滅後、)

能供養舍利、(從義譯、資譯原文爲供養舍利者、)

或造窣覷波、(從義譯、資譯原文爲或造於塔廟、)

及以如來像、(從義譯、資譯原文爲及如來形像、)

於彼像塔處、(從義譯、資譯原文爲於彼塔像前、)

塗拭曼荼羅、(從義譯、資譯原文爲掃塗曼荼羅、)

以種種香華、(香華從義譯、資譯爲華香、其他各字、兩譯均同、)

散布於其上、(兩譯均同、)

以淨妙香水、(妙字從義譯、資譯爲諸字、其他各字、兩譯均同、)

灌沐於像身、(從義譯、資譯原文爲而浴於佛像、)

上味諸飲食、(味字從義譯、資譯爲妙字、其他各字、兩譯均同、)

盡持以供養、(盡字從義譯、資譯爲淨字、其他各字、兩譯均同、)

讚歎如來德、(從義譯、資譯原文爲敬禮佛功德、)

無量難思議、(兩譯均同、)

方便智神通、(從義譯、資譯原文爲智慧及神通、)

逮至於彼岸、(此從義譯、資譯原文爲諸善巧方便、悉皆到彼岸、)



獲得金剛身、

具三十二相、

八十隨形好、

濟度諸羣生、(以上四句、俱從義譯、實譯缺、)

爾時清淨慧菩薩、聞佛世尊、說是頌已、而白佛言、(以上四句中、第一句兩譯均同、第二  
 第三兩句、從實譯、義譯原文為聞是頌已、第四句、從實譯、義譯少一而字、)世尊、若佛在  
 世、及滅度後、未來世中、諸衆生等、云何浴佛、惟願如來、爲衆生故、開示演說、(以上各句、  
 俱從實譯、義譯原文為未來眾生、云何浴佛、)佛告清淨慧菩薩言、(從義譯、實譯原文  
 為佛言清淨慧、)如佛在世、諸衆生等、發起淨心、於佛滅後、亦應如是、(以上俱從實譯、  
 義譯原文為汝等當於如來、起正念心、)勿著二邊、迷於空有、(以上三句、首句兩譯均同、第二  
 句、不作執空有想、)於諸善品、心懷渴仰、不生疲厭、(以上三句、首句兩譯均同、第二  
 第三兩句、俱從實譯、義譯原文為渴切無厭、)三解脱門、善修智慧、常求出離、勿住生死、  
 於諸衆生、起大慈悲、(以上各句、俱從義譯、實譯缺、)願得速成、三種身故、(此從義譯、  
 實譯原文為何以故、為成就如來法報身故、)善男子、(從義譯、實譯缺、)我已曾爲汝  
 說、四真諦法、十二因緣、六波羅蜜、(以上四句、俱從實譯、義譯原文、第一句無曾字、第二  
 句無法字、第三句中、實譯之因緣二字、義譯為緣生二字、第四句兩譯均同、)今更爲汝、

## 總論一經大旨

此經以心字爲主要。故全經皆是教人認心。以觀字爲工夫。故全經皆是教人習觀。但心之錯認。由來已久。無論用何種觀法。俱不相應。是爲可憫。楞嚴經云。此是前塵虛妄相想。惑汝心性。由汝無始。至於今生。認賊爲子。失汝元常。故受輪轉。夫既認賊爲子。勢必認子作賊。顛倒錯亂。總不出前塵虛妄相想之中。所以古今中外言心者。開口便差。不曰心在腔子裏。卽曰心在方寸間。嗚呼。執此爲心。已成大錯。倘復以此虛妄之心。誤認爲般若之心。必謬以般若之心。反印證此虛妄之心。所謂五蘊皆空。諸法皆無。及涅

槃菩提等義。俱同說夢。依是習觀。只名邪觀。不名正觀。然則必如何始可認心無誤。楞嚴經云。我常說言。色心諸緣。及心所使。諸所緣法。唯心所現。汝身汝心。皆是妙明真心中所現物。可知一切正報中。四大假合之身。六塵緣影之心。皆心中所現之物也。非心也。又云。色身外暨山河虛空大地。皆是妙明真心中物。可知一切依報中。有形之大地。無形之虛空。皆心中所現之物也。非心也。一切正報依報。皆唯心所現。益見妙明真心。能物物而不爲物局。不爲物局。眞空之中。本自平平等等。有何五蘊法。有何十二處法。及十八界法。又有何十二因緣法。及四諦法。又有何六度。

中之般若法。夫惟不見有般若。而後乃可得甚深般若之妙。而後乃可顯自在菩薩之心。依是習觀。名爲正觀。不名邪觀。夫觀本無邪正可分。全視心之眞妄。以爲標準。心亦本無眞妄可言。全視忍心之確否。以爲判斷。迷悟之機。實在於此。學佛諸君。讀此心經時。急須另具隻眼。

### 心經中卷

爾時如來。在大雷音宮。遙聞菩薩演說上經。卽捨涅槃相。騰身虛空。來投菩薩所在。化一長老。雜大衆中。手持優鉢曇曇。視花微笑。菩薩說前妙經已。長老於大衆中起。合掌白言。菩薩佛何以得空五蘊。曰。以照故。以依般若波羅蜜多故。以行深觀故。以

自在觀故。故得涅槃。得開一切微妙門。一切救苦難。一切真實不虛法。究於阿耨多羅三藐三菩提心。布阿耨多羅三藐三菩提業。證阿耨多羅三藐三菩提果。如是如是。乃眞行深般若波羅蜜多時。乃眞五蘊皆空時。不落我相人相衆生相壽者相。如是即現我相人相衆生相壽者相。實非我相人相衆生相壽者相。名曰諸法空相。如來能隱能現。無住無來。能以芥子。包納三千大千世界。能行止坐臥。無異常人。隱則慧眼不能觀。現則肉眼不能翳。無死無生。萬劫圓明。我不得而名。強名之曰金剛。尊其號曰如來。爾時長老。復白菩薩言。世有善男子。善女子。依何拾慧。達岸無訛。菩薩曰。善哉。善哉。是有發大信咒。發大慧咒。發

大戒力咒。發無上定力咒。一切邪魔外道脫離咒。一切吉神擁護。災難消亡。福田利益咒。是乃如來口授。功德不可思議。舍利子。樂依般若波羅蜜多者。虔持此咒。咒曰。

南無佛。南無法。南無僧。怛者他。唵。迦囉伐哆。迦

訶伐多。囉迦伐哆。囉迦伐哆。娑訶。

### 心經下卷

是時菩薩在大羅刹國。紫金殿內。演說多心經已。復告諸舍利子。昔我作王子時。即對佛發願。三千大千世界。有一衆生。不聞正道。不發阿耨多羅三藐三菩提心者。誓不成佛。何以故。一切衆生。皆可得道。其心即佛。舍利子。汝發阿耨多羅三藐三菩提

心。如何得發阿耨多羅三藐三菩提心。知發阿耨多羅三藐三菩提心。即非阿耨多羅三藐三菩提心。何以故。大德不德。大明不明。大勤若惰。大淨若污。舍利子。我今授汝秘咒。名曰秘咒。即非秘咒。是亦秘咒。能除一切苦。即非能除一切苦。是亦能除一切苦。能除一切難。即非能除一切難。是亦能除一切難。何以故。成法非法。法會於心。心融於法。法忘其法。法無可法。乃爲大法。得度衆生。舍利子。彼岸無岸。強名曰岸。岸無成岸。心止即岸。是故如來無定相。無住亦無來。舍利子。汝知如來有慧劍否。無也。有戒刃否。無也。如來依般若波羅蜜多也。菩薩曰。否。如來有慧劍。有戒刃也。如來無慧劍。無戒刃。不識般若。何以故。般若即般

若衛之則存。矚之則明。存而明之。道假以成。於是乃說大圓滿。般若波羅密多心咒。咒曰。

唵。翁佛囉。拿囉。蘭吽。半噠。連嚩。樓薩哆嚩蜜嘜。波哪。耶

囉吽噠嚩。嚩嚩。嚩嚩。嚩嚩。哩目。囉。尼。哪。吻。汝。唵。

捺喝喇嚩哢。芒喝喇喝喇嚩哢。唵安。唵。安。嘛呢叭

囉吽。唵薩哇。滑崎。俱哆。嚩。答嚩。烘去。唵。肺。叉。釵。薩。波。

唵。安委。昧。木屎。尼夷。夷吒。查波。吒。波。唵。息。囉。立。囉。

唵。安吐。馱。囉。盧吐。囉。摩訶吐囉。唵安。唵。安。唵。安。

摩訶般若波羅密多娑訶。

願以此功德。普及於一切。我等與衆生。皆共成佛道。



十方三世一切佛。

一切菩薩摩訶薩。

摩訶般若波羅蜜。

梓潼帝君跋

世有心經上卷。而無下卷。闕編也。誦之者。猶且獲福無邊。矧得全經而讀之。其功德福業。又何如哉。此予親聆之佛母者。其大旨總勉人忘善忘空。而深造極空。至善之意云。元皇道人敬錄并跋。

濟佛跋

此經爲佛家鼻祖。開先天之秘要。作人世之指迷。言簡意賅。舉三教之眞傳。無不貫徹。所謂空者。非真空也。於實處見空。所謂無者。非眞無也。於有處見無。人能以空言空。不以無言無。如是則不膠迹象。不涉渺茫。不存妄念。而失本眞。不緣

塵慮而漓性始葆元神。養浩氣超凡入聖。基於此矣。  
己未年十一月初四日濟道人降壇跋

保生丹原序

此丹北京驛馬市大街菜市口西  
鶴年堂製造最爲得法價亦公道

柯集庵曰。保生丹保產之仙方也。前有修合送人者。臨產服一丸。坦然快便。不覺其苦。但聞製藥齋戒虔心。發願普濟。然後擇一靜室。如法遵製。余戚李君製此丸。以十丸見贈。余知其丹之好。不知其丹之神也。隨即送人殆盡。久之忽聞一難產者。子死腹中。余急檢諸笥。尙有二丸。與一丸服之。死胎立下。母命獲全。余隨修製送人。今已數十年。屢試屢驗。而艱難諸症之獲救者。不下數萬人。但不知此方出於何人。記云長葛孫奎得之異人。傳授然法製湯引。尙有缺處。不若余得之詳且明也。今列於後。



婦人臨產。視爲危事。幾若談虎色變。不知天地育物。皆秉造化。正氣順時。適性瓜熟自然蒂落。達生編不憚繁帙。諄引言之綦詳。而一片菩提。原期火坑生青蓮。徧拯斯厄。能遵其言。自無難產之患。但是人之秉質強弱不同。賦性靜躁各殊。要當服藥以助其力。鎮靜以寧其志。自必臨蓐遂生。穩獲安全。一有不慎。則禍害立至。性命繫於呼吸。存亡定在頃刻。張皇驚撓。須臾間貽悞莫救。多遭奇慘。則此非命數當盡。特無術以濟之良可憫也。

余每戚然於心。廣求良法。適蕪湖友人郵寄保生丹方。原係出之合肥李府。其博考之精。效驗如神。原序中已備述其異。於是虔誠齋戒。依法合製成丹。以備贈送。值戚婦因蹉跌損胎。產逾

兩日不下。危在旦夕。即向<sub>余</sub>索去一丸服之。不及二時。胎下母安。<sub>余</sub>即確見應驗之奇。實可補造化之功用。特判諸方書。以廣傳佈。俾知此丹。實可起死回生云爾。峇在光緒二十五年歲次己亥端午節涇東朱鋤月山房主人謹識

南無香雲蓋菩薩摩訶薩三稱

悅衆誦祈禱文云、

金鎚纒印、

繞龍象一班齊、

梵音演處、

祝如來之聖壽、

維那跪祝呼云、

哇地一聲、塵刹國中垂妙相、周行七步、衆接人間天上獨稱尊、正呼編設六度慈

航、衆接拔濟衆生苦惱、正呼仰叩洪慈、俯垂明証、大中華民國衆某省某縣某

某寺、白云當代住持、宏法沙門、衆接監院比丘等、引磬二下、正呼於今中華民國

幾十幾年、四月初八日、恭逢

世尊降誕良辰、雲集僧衆、登臨寶殿、誦演秘章、衆接稱揚嘉號、正呼所集功勳、端爲

慶祝

南無娑婆教主、衆接釋迦如來、正呼釋迦如來、衆接釋迦如來、正呼本師釋迦如

來、衆接金蓮座下、正呼伏願扇慈風於末世、揚慧日於中天、百億山河、衆接全彰

法王妙相、正呼大千刹海、灌沐我佛金身、指出本有菩提、衆接圓成衆生種智、正

呼仰勞大衆、稱念金剛無量壽、

悅衆押磬舉



護國仁王菩薩摩訶薩、薩怛他、蘇迦哆耶、阿囉訶帝、三藐三菩提寫、薩怛他佛陀、俱  
胝瑟尼釤、

放掌然尾心經、摩訶般若波羅蜜多、三辭

展具舉讚佛偈云、

天上天下無如佛、十方世界亦無比、

世間所有我盡見、一切無有如佛者、

南無娑婆世界、三界導師、四生慈父、人天教主、三數化身、本師釋迦牟尼佛、南無本

師釋迦牟尼佛、

繞畢拜願

南無本師釋迦牟尼佛、十二拜或數十拜、

南無彌勒菩薩、三辭

南無文殊師利菩薩、三辭

南無普賢菩薩、三辭

南無十方菩薩摩訶薩、三辭

三皈依

自皈依佛、當願眾生、體解大道、發無上心、

錦紋大黃

壹斤 爲末

蘇木

叁兩 搥碎 煎汁 三碗 用河水 五

大黑豆

叁升 水浸 取殼 用絹袋盛 殼同

豆煮熟。去豆不用。將殼晒乾。其汁留用。

紅花

三兩 炒黃 入酒 四五碗 煎 三碗 濾去渣 存汁 留用

米醋

玖斤 陳者 佳

將大

黃末一斤入淨砂鍋。下米醋三斤文火熬之。以長木筋不住手攪之成膏。再加醋三斤。次第加畢。然後下黑豆汁三碗再熬。次下蘇木汁。次下紅花汁。熬成大黃膏。受入瓦盆盛之。大黃鍋鈹亦鏟下入藥。

上白黨

貳兩

當歸

壹兩 酒洗

川芎

壹兩 酒洗

香附

壹兩 醋炒

元胡索

壹兩 醋炒

蒼朮

壹兩 米汁浸炒

蒲黃

壹兩 紙炒 隔

茯苓

壹兩

桃仁

壹兩 去皮尖 去

川牛膝

五錢 酒洗

炙甘草

五錢

地榆

五錢 酒洗

川羌活 五錢

化橘紅 五錢

白芍 五錢

木瓜 三錢

青皮 三錢

白朮 三錢

烏藥 貳兩五錢

良姜 肆錢

木香 四錢

乳香 肆錢

秋葵子 三錢

沒藥 貳錢

益母草 貳錢

馬鞭草 五錢

熟地 壹兩

三稜 五錢  
紙包醋浸

五靈脂 五錢  
焙乾。研末。化。

山萸肉 五錢  
搗爛。入藥。

共三十味。並黑豆殼晒乾為末。入石臼內下大黃膏拌勻。再下煉蜜一斤。共搗千杵。取起為丸。每丸重二錢八分。陰乾。須二十日。不可日晒火烘。乾後重二錢有零。以蠟護之。勿致泄氣。務祈如法炮製。

一臨產參湯服一丸則分娩全不費力。如無參湯則淡炒鹽湯亦可。論曰。凡胎已成。子食母血。月足血成塊。將產時兒枕先被血裏孩兒故難產。服此逐去敗血。須臾自生。橫生逆生同治。亦有因氣血虛損宜多服人參爲引。

一凡子死腹中。因產母染病所致。用車前子一錢煎湯服一丸。或二三丸無不下者。若因血下太早。子死者。用人參車前子湯服如無參。用陳酒少許煎車前子亦可。

一胎衣不下。用炒鹽少許泡湯服。

一產後血暈。用薄荷湯服即醒。

以上四條危症方。臨產緊要關頭。一時即有名醫。措手不及。

起死回生。必須預備此丹。居家尤宜早備。

一產後三日。血氣未定。還走五臟。奔充於肝。血暈起止不得。眼見黑花。滾水服。

一產後七日。血氣未定。因食物與血結聚胸中。口乾心煩悶渴。滾水服。

一產後虛羸。血入於心肺。熱入於脾胃。寒熱似瘧。實非瘧也。滾水服。產後敗血。走注五臟。轉滿四肢。留停化爲浮腫。口渴。而四肢覺寒。乃血腫。非水腫也。服此丹愈。

一產後敗血。熱極。心中煩燥。言語顛狂。非風邪也。滾水服。

一產後敗血。流入心竅。閉塞失音。甘菊花。桔梗。各三分。煎湯服。

一產未滿月。誤食酸寒堅硬之物。相搏流入大腸。不得尅化。泄痢膿血。山查湯服。

一產後月中飲食不得應時。兼之怒氣。餘血流入小腸。閉塞水道。小便澀結。溺血似雞肝。木通四分煎湯服。又或流入大腸。閉却肚門。大便澀難。有瘀血成塊如雞肝者。陳皮湯服。

一生產時白節開張。血入經絡。停留日久。虛脹酸痛。非濕症也。蘇梗煎湯服。

一產後惡露未淨。飲食寒熱。不得調和。以致崩漏。形如肝色。潮熱煩悶。脅膊拘急。用白朮三分。廣皮二分煎湯服。

一產後小便澀。大便閉。乍寒乍熱。如醉如痴。滾水調服。

以上危症。皆產後破血爲害也。此丹有奇功。至產後一切異症。醫人不識。人所未經。但服此丹。無不立安。一丸未應。二三丸必效無疑。胎前常服此丹。壯氣養胎。滋陰順產。調和臟腑。平理陰陽。更爲神妙。疾服之無不並效。南方近來此等病症最多。故製丸送人。並刊此方廣佈。使世之善人達士。或製丸。或印送。俾四海之闈中。免此難症。則幸甚矣。然此方前人已屢試屢驗。故敢刊刻傳世。若能遵其炮製。備以濟人。其功德豈淺鮮哉。但婦人之胎產。乃天地自然之造化。天肯以生道殺人。即必不然矣。而世竟有因產而殞命者。何也。蓋多因用穩婆之誤。以致如此。良可悲夫。夫天下無難產者。皆被穩婆使之用力太早。用力不產。

愈用氣力。以致神疲力竭。加以生死關頭。在心驚怖。夫心驚則神散。胎必難產。以致殞命。聞有橫倒生者。亦皆由用力之早逼使然耳。何如臨產不用穩婆揉擦。但服此丹。坦然而生。不亦快哉。若是則天下自無難產之危。同登壽域矣。是爲誌。

中華民國十二年癸亥正月

南海長善堂敬贈







中華民國十二年癸亥正月

南海長善堂敬贈

天津  
電話總局  
三三八  
東馬路  
六吉里  
內  
華新印刷局承印

